

# UGOVOR

## o nabavci kancelarijskog namještaja

zaključen dana \_\_\_\_\_ 2020. godine, između:

1. **JU Arhiv TK, Franje Ledera br. 1, 75000 Tuzla, ID broj: 4209473570000 kojeg zastupa direktor mr. sc. Omer Zulić (u daljem tekstu: Naručilac)**  
i
2. **INTER-COM d.o.o. Zenica, Vrandučka 71B, 72 000 Zenica, ID broj: 4218087760006 kojeg zastupa Direktor Safet Škaljić, dipl. ecc. (u daljem tekstu Dobavljač).**

### PREDMET UGOVORA

#### Član 1.

Predmet ovog ugovora je nabavka roba – **kancelarijskog namještaja** putem konkurentskog zahtjeva za dostavu ponuda čije karakteristike su bliže specificirane u Ponudi 226A/20 od 23.11.2020. godine (u daljem tekstu: Ponuda) koja odgovara uslovima iz tenderske dokumentacije i sastavni je dio ovog Ugovora.

### UGOVORENA CIJENA I NAČIN PLAĆANJA

#### Član 2.

Ukupna ugovorena cijena, **sa uključenim PDV-om**, prema Ponudi, odnosno prema rezultatima sprovedene e-aukcije, iznosi **8.365,50 KM**, (slovima: osamhiljadatristotinešezdesetpet i 50/100 KM).

Dobavljač se obavezuje da Naručiocu ispostavi robu specificiranu članom 1 ovog ugovora, a Naručilac će plaćanje navedene robe iz člana 1. ovog ugovora vršiti u zakonom predviđenom roku putem trezorskog načina plaćanja, računajući od dana ispostave računa od strane Dobavljača.

### ROK ISPORUKE

#### Član 3.

Dobavljač se obavezuje da robu koje je predmet ovog Ugovora, isporuči, u skladu sa tehničkim specifikacijama definisanim tenderskom dokumentacijom, najkasnije 10 (deset) dana od dana obostranog potpisivanja Ugovora.

Dostavu i montažu kancelarijskog namještaja obezbjeđuje Dobavljač.

## **GARANTNI ROK**

### **Član 4.**

Garancija Dobavljača na isporučenu i montiranu robu je minimalno godina dana (12 mjeseci) od dostave i montaže kancelarijskog namještaja.

Sve mane i nedostatke, te odstupanja od ugovorenog kvaliteta koji se u toku garantnog roka konstatuju na isporučenu robu koja je predmet nabavke, Dobavljač je dužan otkloniti o svom trošku u što kraćem roku, a ne duže od 10 (deset) dana.

## **VIŠA SILA**

### **Član 5.**

Pod višom silom se podrazumjevaju neočekivani događaji do kojih je došlo zbog uzroka koje ugovorne strane nisu mogle predvidjeti, izbjeći ili otkloniti, a koje imaju za posljedicu nemogućnost ili bitno smanjenu mogućnost isporuke robe, odnosno plaćanja.

Ugovorna strana, koja zbog dejstva više sile ne može ispuniti svoje obaveze, dužna je obavjestiti drugu stranu najkasnije 24 sata od momenta nastupanja dejstva više sile, kao i preduzeti sve mjere u cilju smanjenja ili otklanjanja dejstva više sile.

Ukoliko ugovorna strana svoje obaveze zbog dejstva više sile ne može ispuniti u periodu kraćem od mjesec dana, druga strana ima pravo na raskid ugovora.

## **RASKID UGOVORA**

### **Član 6.**

Ovaj Ugovor se može raskinuti sporazumno uz obostranu saglasnost Ugovornih strana. Ukoliko dođe do jednostranog raskida Ugovora, Ugovorna strana koja je odgovorna za jednostrani raskid Ugovora, snosi svu štetu nastalu drugoj Ugovornoj strani.

Jednostrani raskid Ugovora mora se najaviti 15 dana ranije.

Svaka Ugovorna strana ima pravo raskida Ugovora u slučaju da druga strana ne izvršava svoje ugovorene obaveze.

## **ZAVRŠNE ODREDBE**

### **Član 7.**

Na ostala prava i obaveze Ugovornih organa, koje nisu regulisane ovim Ugovorom, primjenjivat će se odredbe Zakona o obligacionim odnosima.

### **Član 8.**

Ugovorne strane su saglasne da Dobavljač neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani od Komisije za nabavke u svojstvu člana ili službenog lica prilikom dodjele ugovora.

Ograničenja u smetnji iz stava 1. ovog člana traju šest mjeseci od dana zaključenja ugovora.

### Član 9.

Ugovor stupa na snagu danom obostranog potpisivanja ugovornih strana.

### Član 10.

Sve eventualne sporove Ugovorne strane će prvenstveno rješavati sporazumno, a u slučaju nemogućnosti sporazuma, nadležan je Općinski sud u Tuzli.

### Član 11.

Ovaj Ugovor je sačinjen u 4 (četiri) istovjetna primjerka, od kojih svaka ugovorna strana zadržava po dva primjerka za svoje potrebe.

  
**ZA DOBAVLJAČA**  
**DIREKTOR**  
\_\_\_\_\_  
Safet Škaljić, dipl. ecc.

Broj: 424-12/20  
Datum: 24.12.2020. godine

  
**ZA NARUČIOCA**  
**DIREKTOR**  
\_\_\_\_\_  
mr. sc. Omer Zulić

Broj: 02-2564-10/20.  
Datum: 21.12.2020. godine